



Publicaziuns dalla vischnaunca, jamna 51

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2019 – 1045.000

Lucia Marty-Monn, Limmattalstrasse 18, 8049 Zürich; nova terrassa, midada d'ina finiastra en in esch ed installaziun d'ina pompa da calira d'aria, parcella 748, Via Sogn Gions 11, 7180 Disentis/Mustér.

Nr. 2019 – 1009.000

Heinrich Riedi, Pardomat 6, 7180 Disentis/Mustér; construcziun d'ina nova remisa ed engrondaziun dil lidimer, parcella 350, Pardomat 6, 7180 Disentis/Mustér.

Disentis/Mustér, ils 20 da december 2019

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2019-2040.000

Konrad Felix Huber, Bergstrasse 154, 8708 Männedorf: nova seiv, parcella 1067, Via Sogn Valentin 3, 7183 Mumpé Medel.

Nr. 2019-2091.000

STWEG Parz. 1002, Kur- und Sporthotel «Disentiserhof», c/o Solida Treuhand AG, Via Cons 7, 7180 Disentis/Mustér: sanaziun dil tetg, parcellas 1001 e 1002, Via Disentiserhof 1, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 20 da december 2019

Uffeci da baghegiar Disentis/Mustér

Cussegl da vischnaunca

Rapport dalla seduta dils 13-12-2019

En sia seduta dils 13 da december 2019 en casa da scola Segnas ha il cussegl da vischnaunca, sut il presidi d'Armin Berther, priu enconuschientscha dall'agenda 2020 (termins da seduta dil cussegl). Plinavon ha il parlament eligi Mario Flepp sco president e Giusep Lozza sco vicepresidente dil cussegl da vischnaunca pigl onn 2020. All'entschatta dalla seduta ha il niev sviluppader regional per la Surselva, Rudolf Büchi, informau davart tgei infrastruttura turistica che seigi ni savessi esser relevanta per la regiun. Infrastructura ch'ei relevanta per la regiun sa, ein tuts criteris ademplici, survegnir in sustegn finanziel dil cantun. Plinavon ha el fatg attents alla necessitad da collaborar eifer las vischnauncas en la regiun.

Suprastonza communal

Referendum facultativ spirau

Ils 14 da november 2019 ha il cussegl da vischnaunca approbau unanimamein il preventiv 2020. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal



Bien di, bien onn

«La pli cuorta via denter dus carstgauns ei in surrir.» (nunenconuschent)

Buca tut selai liquidar cun in surrir, denton bia dapli che quei ch'ins crei. Mintgamai in tec Nadal.

Dabia persunas da nossa vischnaunca ein era uonn s'engaschadas per il beinstar da nos fugitivs, per la tgira da malsauns, ella tgira d'affons, famiglias e giuvenils, insumma pil beinstar general da nossa vischnaunca e dil singul convischin. Bugen prendel jeu la caschun d'engraziar da tut cor a tut quellas persunas che s'engaschan di per di per il beinstar da nossa vischnaunca, che fan tut il pusseivel da levgiar il buordi da quels che portan grev. Jeu giavischel a convischinas e convischins sco era a nos hosps bialas e graziusas fiastas da Nadal ed in legreivel e benedi uonn niev.

*En num dalla suprastonza communal
Robert Cajacob, president communal*

Controlla da habitonts

Mortori

Richard Hendry-Gadola, naschius ils 29 d'avrel 1930, morts ils 14 da december 2019

Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da Silvester/Daniev sonda, ils 28 da december 2019, naven dallas 16.00 en halla Cons. Igl aperitiv vegn offerius cun sustegn dalla vischnaunca. Nus selegrein sin stedia participaziun ed in interessant ed inspiront scomi da meinis.

*Cuminonza d'interess da proprietaris da habitaziuns secundaras Mustér
Interessengemeinschaft Zweitwohnungseigentümer Disentis*

Administraziun communal

Sur las fiastas da Nadal e Daniev resta l'administraziun communal serrada duront ils suandonts dis:

- **mardis, mesjamna e gievgia, ils 24, 25 e 26 da december 2019**
- **mardis, ils 31 da december 2019**
- **mesjamna e gievgia, igl 1. ed ils 2 da schaner 2020**

Nus giavischein ina biala fiasta da Nadal ed in bien e sanadeivel onn 2020!

Administraziun communal Disentis/Mustér

Cantar dil Retgs 2020

Ils Sogns Retgs e las Sontgas Reginas dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els speran d'astgar legrar e delectar biars cun lur viseta e cant. Lur tur entscheivan els mintgamai allas 15.00. Ina gronda part dil recav va en favur dalla Cadeina da fortuna pil project persunas en miseria en Svizra.



gievgia, ils 2 da schaner 2020

gruppa 1: Carcarola, Davos-Mustér, Via Sursilvana,
Suls Orts, Via Cavardiras
gruppa 2: S. Gions, Catins, Raveras, Giudem Cons
gruppa 3: Cuppa, Via Pervenda, Via Dulezi

venderdis, ils 3 da schaner 2020

gruppa 1: Cavardiras, Pardomat, Madernal, Faltscharidas,
Sontget
gruppa 2: Mompé-Tujetsch, Via Denterpraus, Buretsch,
Quoz, Sax, Acla da Fontauna
gruppa 3: Mompé-Medel, Acletta, Funs, Funs-Dadò
sera cantar el vitget dalla Reka

sonda, ils 4 da schaner 2020

gruppa 1: Disla, Chischliun, Scaletta
gruppa 2: Peisel, Segnas
gruppa 3: Clavaniev, Caschuarz, Latis, Cons-su
19.00 cantar duront messa en baselgia a Segnas
naven dallas 20.00 cantar en las ustrias

dumengia, ils 5 da schaner 2020

11.00 cantar duront messa a Mompé-Medel
15.00 viseta e cantar ella casa Puntreis
gruppa 1: Via da Scola
gruppa 2: Gonda, Via Sontga Gada
gruppa 3: Cons-sut, Via da Scola
17.00 devoziun en baselgia s. Gions e cantar
18.30 cantar duront messa en baselgia da Nossadunna

Biblioteca populara Disentis/Mustér e contuorn

Venderdis, ils 20 da december 2019 resta la biblioteca serrada. Nus engraziein per Vossa capientscha.
Bugen essan nus puspei cheu per Vus **gliendisdis, ils 23 da december 2019**. Il team dalla

Biblioteca populara Disentis/Mustér e contuorn
www.biblioteca-disentis.ch